



**Բուսաբուծության ներառական արժեքի խթանումը Հայաստանում,
Վրաստանում, Ղազախստանում և Մոլդովայում ծրագիր**

ՀԱԶՈՂՈՒԹՅԱՆ ՊԱՏՄՈՒԹՅՈՒՆՆԵՐ

**«Օրգանական միրգ արտադրողների» կոոպերատիվի
հաջողության պատմությունը**

«Օրգանական միրգ արտադրողների» սպառողական կոոպերատիվը օրգանական թարմ մրգերի արտադրությամբ զբաղվող նորաստեղծ կազմակերպություն է Հայաստանում: Այն ստեղծվել է 2016թ. 15 ֆերմերների նախաձեռնությամբ, որոնցից յուրաքանչյուրը ներդրում ունեցավ կոոպերատիվի ձևավորման գործում: Կոոպերատիվի անդամ է նաև «Ծիրանի այգի» ՄՊԸ-ն, որը 2002 թ-ից զբաղվում է օրգանական գյուղատնտեսությամբ:



Ծիրանի բերքահավաքը կոոպերատիվի այգիներում

Օրգանական պտղի պահանջարկը տարեցտարի աճում է: Բացի հայաստանյան մթերող կազմակերպություններից՝ Թամարա Փրութ, Սիս Նատուրալ, Երևանի Արարատ հյուրերի գործարան և Կիլիկիա ընկերություն, վերջին տարիներին նաև զգալի չափով աճել է Հայաստանից արտերկիր օրգանական մթերքի արտա-հանման պահանջարկը: Ի տարբերություն օրգանականի՝ ավանդական եղանակով արտադրված պտղի վաճառքը շատ անկանխատեսելի է: Վերջին տարիներին օրգանական ծիրանի որոշ տեսակների համար մթերման գինը կազմել է 180 - 200 դրամ, իսկ նույն տեսակի ավանդական եղանակով աճեցված հարևանությամբ գտնվող այգիների ծիրանը ֆերմերները վաճառում էին առավելագույնը 50 դրամով: Ակնհայտ էր, որ օրգանական պտղի պահանջարկն առկա է և օրեցօր ավելանալու միտում ունի: Խորհրդակցելով այգու պատասխանատուների հետ եկան այն համոզմանը, որ օրգանական պտուղ արտադրելը ավելի շահավետ է և արտադրված պտուղը անմնացորդ կարող են վաճառել:

Նարեկ Կարապետյանը «Օրգանական միրգ արտադրողների» սպառողական կոոպերատիվի ամենաերիտասարդ համահիմնադիրն է: Նա 2017-2018թթ ընթացքում կոոպերատիվի մյուս 14 անդամների հետ միասին մասնակցեց կոոպերատիվների



Նարեկ Կարապետյանը (աջից 1-ինը) կոոպերատիվի իր գործընկերների հետ միասին՝ սեմինար-պարապմունքի ժամանակ

կառավարմանը և օրգանական այգիների մշակմանը նվիրված մի շարք սեմինարների Գյուղատնտեսության զարգացման միջազգային հիմնադրամի (IFAD) ֆինանսավորմամբ՝ «Բուսաբուծության ներառական արժեղթաների իրականումը Հայաստանում, Վրաստանում, Դազախ-

ստանում և Մոլդովայում» ծրագրի շրջանակներում: Հայաստանում սեմինարների կազմակերպիչը «Շեն» ԲՀԿ-ն էր:

Սեմինարների և գործնական պարապմունքների շնորհիվ Նարեկը և կոոպերատիվի մյուս անդամները ձեռք բերեցին այգիների օրգանական մշակության համար անհրաժեշտ գիտելիքներ և հմտություններ, ծանոթացան այգիների օրգանական խմբային սերտիֆիկացման գործընթացի առանձնահատկություններին, կոոպերատիվի կառավարման, կոոպերատիվի զարգացման ռազմավարություն մշակելու և շուկայավարության լավագույն փորձին:



Կոոպերատիվի անդամները ծիրանի բերքը բեռնում են Միս Նատուրալ ընկերության մեքենան

նաև, որ համատեղ ջանքերով հնարավոր է շուկայում պաշտպանել օրգանական արտադրողի շահերը, քանզի շատ կա ոչ սերտիֆիկացված մթերք՝ մակնշված որպես օրգանական:

Կոոպերատիվն այժմ գյուղատնտեսական տեխնիկա ունի՝ տրակտորներ, սրսկիչ, ֆրեզ (ձեռք են բերվել ԵՄ և Ավստրիական զարգացման գործակալության աջակցությամբ), որով կատարվում է անդամների այգիների մշակությունը՝ բուժումը, կրծողների դեմ պայքարը, ոռոգման առուների թարմացումը, միջշարային տարածությունների փխրեցումը և այլն:

Կիրառելով դասընթացների ժամանակ ձեռք բերված գիտելիքները և օգտագործելով կոոպերատիվի տեխնիկական միջոցները՝ Նարեկի և մյուս անդամների այգիների աճը ավելի լավացավ, բերքատվությունն ավելացավ մոտ 20 տոկոսով: Առաջին իսկ տարում, օրգանական սերտիֆիկացման անցումային փուլում, ծիրանի որոշ տեսակներ վաճառեցին վերամշակող գործարանին՝ Միս Նատուրալ



Կոոպերատիվի գյուղատնտեսական հատուկ տեխնիկան՝ Նախատեսված այգիների մշակության համար

ընկերությանը 25 դրամով բարձր գնով: Կոոպերատիվի բոլոր անդամների ընդհանուր բերքը 2018 թվականին եղել է 210 տոննա: Սերտիֆիկացման անցումային շրջանի ավարտից հետո՝ 2019 թվականին օրգանական ծիրանի որոշ տեսակներ, որոնք օգտագործվում են կոմպոսի

արտադրության համար, հնարավոր կլինի վաճառել մթերոլ ընկերություններին 180-200 դրամով 75 դրամի փոխարեն:

Նարեկի և կոոպերատիվի մյուս անդամների մշակած զարգացման 2018թ ծրագրի առաջին պլանում սառնարանի ստեղծումն էր և միանման արկղերի ձեռքբերումը: Ծրագիրը «Շեն» ԲՀԿ-ի կողմից հավանության արժանացավ և գյուղատնտեսության զարգացման միջազգային հիմնադրամի ֆինանսավորմամբ 2018թ կյանքի կոչվեց: 2018թ. կոոպերատիվի սառնարանը անխափան աշխատեց:



Կոոպերատիվի սառնարանը՝ կառուցված IFAD դրամաշնորհի վիջոցներով

Նարեկ Կարապետյանն ասում է. «Ինձ համար բախտորոշ էր մեր կոոպերատիվի ստեղծումը և Շենի հետ համագործակցությունը: Տարիներ շարունակ աշխատելով, կռիվ տալով հողի, ծառի և բնության հետ՝ երբեմն պարտված էի դուրս գալիս: Աշխատանքիցս ստացած եկամուտը համարժեք չէր իմ չարչարանքին և դա ինձ բերել էր

խորը հուսահատության: Որոշել էի թողնել իմ տնկած, փայփայած այգին, մեր գյուղը և շատ հայրենակիցներին նման բախտ որոնել օտար ավերում: Օրերից մի օր հանդիպեցի իմ այգու հարևան Հայկարամ Սարուխանյանին ով ինձ ներկայացրեց կոոպերատիվ ստեղծելու, այգիների օրգանական մշակման եղանակների և դրանից բխող օգուտների մասին: 14 համախոհներով որոշեցինք դիմել IFAD ֆինանսավորած ծրագրին: Հավատացինք կոոպերատիվի զարգացման հեռանկարին և չսխալվեցինք: Իմ կյանքում կոոպերատիվին անդամագրվելը ճակատագրական էր: Մի գեղեցիկ օր ծիրանի բերքահավաքի ժամանակ սիրահարվեցի բերքահավաքի եկած աղջիկներից մեկին և բերքահավաքի ավարտին ամուսնացանք: Ես մնացի հայրենի գյուղում, զգացի օրգանական մշակության առավելությունը ավանդական մշակության համեմատ: Վերջին երկու տարիներին եկամուտներս զգալի չափով ավելացել են:»

«Միասին մենք ուժեղ ենք». Պտղաբուծական կոոպերատիվն

ավելացնում է իր արտադրությունը

Սանդրոն Երզնյանը Տավուշի մարզի Բերդավան համայնքի «Բերդավան» պտղաբուծական կոոպերատիվի համահիմնադիրներից է: 2016-2017թթ. ընթացքում նա կոոպերատիվի մյուս 41 անդամների հետ միասին, մասնակցեց կոոպերատիվների կառավարմանը և պտղատու այգիների արդյունավետ մշակմանը նվիրված սեմինարների շարքին, որոնք իրականացվել էին Գյուղատնտեսության զարգացման միջազգային հիմնադրամի (IFAD) ֆինանսավորմամբ՝ «Բուսաբուծության ներառական արժեշրջանների խթանումը Հայաստանում, Վրաստանում, Ղազախստանում և Մոլդովայում» ծրագրի շրջանակներում: Հայաստանում սեմինարների կազմակերպիչը «Շեն» բարեգործական ՀԿ-ն էր:



Կոոպերատիվի անդամները՝ սեմինար պարապմունքի ժամանակ

Սեմինարների ընթացքում Սանդրոն ու կոոպերատիվի մյուս անդամները ծանոթացան կոոպերատիվների կառավարման լավագույն փորձին և գործնական պարապմունքների միջոցով ձեռք բերեցին կոոպերատիվների զարգացման ռազմավարություններ մշակելու և շուկաներն ուսումնասիրելու հմտություններ: Զուգահեռաբար

ստեղծվեցին նաև կոոպերատիվների արտադրության զարգացման ռազմավարություններ: Զուգահեռաբար ստեղծվեցին նաև կոոպերատիվների արտադրության զարգացման ռազմավարություններ: Զուգահեռաբար միջոցով կոոպերատիվի անդամները ծանոթացան պտղատու այգիների մշակության ժամանակակից մեթոդներին: Սեմինարի մասնակիցների համար 2017 թ. փոխայցելություն կազմակերպվեց խաղողի մշակությամբ հայտնի Պառավաքար գյուղ (Տավուշի մարզ):

Սեմինարների և գործնական պարապմունքների ավարտին, Սանդրոն և կոոպերատիվի մյուս անդամներն արդեն կարողանում էին բիզնես պլան մշակել, գյուղատնտեսական արտադրանքի հնքնարժեքային հաշվարկներ կատարել, ինչպես նաև «Բերդավան» կոոպերատիվի պոտենցիալ ծառայությունների գույքագրում իրականացնել: Բացի այդ, սեմինարի ավարտին կոոպերատիվի անդամները



Կոոպերատիվի անդամները՝ գործնական պարապմունքի ժամանակ

գործնականում համոզվեցին, որ այգիների բերքատվությունն ավելացնելու համար անհրաժեշտ է կիրառել ագրոնոմիական բոլոր պահանջները (օրինակ՝ միջշարային տարածությունների հերկը): Սանդրոն և իր ընկերներն այժմ զինված են նաև լավագույն բուժանյութերի կիրառման հմտություններով:

Սեմինարների արդյունքներն իրենց երկար սպասեցնել չտվեցին: Կիրառելով դասընթացի ընթացքում ձեռք բերված ագրոնոմիական գիտելիքները և օգտագործելով կոոպերատիվի տեխնիկական միջոցները (ձեռք են բերվել 2013թ.-ին ֆրանսիական «Օրանփ» հիմնադրամի և «Շեն Փրանսիա» կազմակերպության աջակցությամբ) արդեն 2018 թ. Սանդրոն իր դեղձի այգու բերքատվությունը բարձրացրեց 30 տոկոսով: Նման հաջողություններ գրանցեցին «Բերդավանի» մյուս անդամներն ևս:



Կոոպերատիվի տրակտորն իրականացնում է խաղողի այգու վար

Պարզ դարձավ նաև, որ կոոպերատիվի անդամներն արդեն բավարար քանակի որակյալ բերք կարող են ունենալ: Որակյալ բերքը միասնաբար իրացնելու համար Սանդրոն ու իր ընկերները սառնարան կառուցելու որոշում կայացրեցին: Սառնարանը կոոպերատիվի անդամներին հնարավորություն կտար մեկտեղել, կուտակել և տեսակավորել իրենց արտադրանքը՝ այդպիսով ավելի գրավիչ

դարձնելով մեծածախ գնորդների համար: Հենվելով սեմինարների ընթացքում ձեռք բերված գիտելիքների վրա՝ «Բերդավան»-ցիները սառնարանի կառուցման բիզնես ծրագիր մշակեցին, որը 2018թ. վերջին արժանացավ «Շեն» բարեգործական ՀԿ-ի հավանությանը և ֆինանսավորվեց 5,200,000 դրամով: Կոոպերատիվի անդամները սառնարանի կառուցման գործում իրենց ներդրումն ունեցան.



Կոոպերատիվի սառնարանը պատրաստ է ընդունել 2019թ. բերքը

նրանք սեփական ձեռքերով իրականացրեցին շինարարական աշխատանքները: Արդյունքում, Բերդավան համայնքի մանկապարտեզի չօգտագործվող կաթսայատունը վերածվեց կոոպերատիվի սառնարանի (20 տոննա տարողությամբ): Սառնարանը պատրաստ է ընդունել 2019 թ.-ի բերքը:

Սանդրո Երզնյանն ասում է. «IFAD-ի և Շեն-ի սեմինարները մեզ հնարավորություն տվեցին ավելի լավ գիտակցել մեր կոոպերատիվի ներուժը: Սառնարանի հիմնումը հնարավորություն կտա կուտակել ու ավելի բարձր գնով վաճառել մեր արտադրած դեղձն ու խաղողը: Իսկ ձմռան ամիսներին սառնարանում կպահեստավորենք մեր այգիների արքայանարիջն ու տոներին ընդառաջ այն ավելի բարձր գնով կվաճառենք: Կոոպերատիվի շնորհիվ հոգսն էապես թեթևացել է: Հիմա կոոպերատիվի մյուս անդամների հետ նախապես



Սանդրո Երզնյանն իր խաղողի այգում

ալյանավորում ենք բոլոր աշխատանքները: Կոոպերատիվի իմ ընկերներին եմ դիմում, երբ ինչ-որ կասկածելի հիվանդություն եմ հայտնաբերում այգումս: Յուրաքանչյուրն իր գիտելիքի ու փորձի չափով օգնում է ինձ: Շատ հարցերում էլ ես եմ իրենց օգնում: Համատեղ կարողացանք լուծել ոռոգման ջրի հարցն անգամ: Միասին մենք ուժեղ ենք:

Շաղատ կոոպերատիվը հավելյալ արժեք է ստեղծում համայնքում

Լևոն Ենգիբարյանը Սյունիքի մարզի Շաղատ գյուղի բնակիչ է: Նա մեկն է այն երիտասարդներից, որ 2014 թվականին նախաձեռնեցին կոոպերատիվի հիմնումը Շաղատում: Կոոպերատիվը հիմնվել է 52 անդամների կողմից, որոնք համագործակցությամբ նպատակ են ունեցել դաշտավարությունն ավելի արդյունավետ դարձնել, նվազեցնել ծախսերը և ավելացնել յուրաքանչյուր անդամի տնտեսության եկամուտները: Տեղակայված լինելով ծովի մակերևույթից 1750 մետր բարձրության վրա՝ Շաղատը գյուղատնտեսության վարման սահմանափակ



Շաղատ կոոպերատիվի վարչության անդամ Լևոն Ենգիբարյանը

հնարավորություններ է ընձեռում: Լևոնը, ինչպես համայնքի բնակիչների մեծ մասը, զբաղվում է հաճարի և կտավատի մշակությամբ: Շաղատը հայտնի է բարձրորակ հաճարով, որից ավանդական հայկական ուտեստ՝ ձավար են պատրաստում: Սակայն ձավար արտադրելու համար Լևոնը ստիպված էր հաճարը տեղափոխել 40 կմ հեռավորությամբ գտնվող Ույծ գյուղում գտնվող արտադրամաս ու մի կլորիկ գումար վճարել վերամշակման համար: Շաղատցիները

հնարավորություններ է ընձեռում: Լևոնը, ինչպես համայնքի բնակիչների մեծ մասը, զբաղվում է հաճարի և կտավատի մշակությամբ: Շաղատը հայտնի է բարձրորակ հաճարով, որից ավանդական հայկական ուտեստ՝ ձավար են պատրաստում: Սակայն ձավար արտադրելու համար Լևոնը ստիպված էր հաճարը տեղափոխել 40 կմ հեռավորությամբ գտնվող Ույծ գյուղում գտնվող արտադրամաս ու մի կլորիկ գումար վճարել վերամշակման համար: Շաղատցիները



Քարի ձիթհանը Շաղատի պատմության թանգարանում

Մեփական վերամշակման արտադրամասեր ունենալու գաղափարը կոոպերատիվի վարչության անդամների գլխում պտտվում էր դեռ վաղուց: Չէ որ հաճարն ու կտավատը բավական բարձր հավելյալ արժեք են ստեղծում այն դեպքում, երբ վերամշակվում են: Հաճարի շուկայական գինը կիլոգրամի համար 100-120 դրամ է, իսկ ձավարի գինը՝ 300-350 դրամ: Կտավատի սերմի 1 կիլոգրամը 600-800 դրամ է, իսկ նրանից ստացված յուղի գինը տատանվում է 1 լիտրը 5000-6000 դրամի սահմաններում:

Մեփական վերամշակման արտադրամասեր ունենալու գաղափարը կոոպերատիվի վարչության անդամների գլխում պտտվում էր դեռ վաղուց: Չէ որ հաճարն ու կտավատը բավական բարձր հավելյալ արժեք են ստեղծում այն դեպքում, երբ վերամշակվում են: Հաճարի շուկայական գինը կիլոգրամի համար 100-120 դրամ է, իսկ ձավարի գինը՝ 300-350 դրամ: Կտավատի սերմի 1 կիլոգրամը 600-800 դրամ է, իսկ նրանից ստացված յուղի գինը տատանվում է 1 լիտրը 5000-6000 դրամի սահմաններում:

Գյուղատնտեսության զարգացման միջազգային հիմնադրամի (IFAD) ֆինանսավորմամբ՝ «Բուսաբուծության ներառական արժեզրեաների խթանումը Հայաստանում, Վրաստանում, Ղազախստանում և Մոլդովայում» ծրագրի շրջանակներում և «Շեն» բարեգործական ՀԿ-ի օգնությամբ կոոպերատիվի անդամները նախաձեռնեցին հանարի ձավարի և կտավատի յուղի արտադրամասերի հիմնումը: Ծինությունները հատկացվեցին համայնքի կողմից, նորոգման աշխատանքները կատարեցին կոոպերատիվի անդամները: Արտադրամասերի հիմնմանը զուգահեռ Շենը ուսուցումների շարք է կազմակերպել: Դրանք վերաբերում էին



Կոոպերատիվի անդամները՝ սեմինար պարապմունքի ժամանակ

կոոպերացիայի սկզբունքներին, համատեղ աշխատելուն, համագործակցությանը, կոոպերատիվի կառավարմանը, բիզնես պլանավորմանը, շուկայավարմանը և այլն: «Դասընթացներից պարզ էր, որ կոոպերատիվը էականորեն տարբերվում է մեր պատկերացրածից, կոոպերատիվը մի գործիք է, որը նպաստում է անդամների եկամուտների ավելացմանը, այլ ոչ թե միայն կոոպերատիվի՝ որպես կազմակերպության» - ասում է Լևոնը, «այս առումով անդամների ակտիվությունը նպաստում է հենց իրենց տնտեսությունների եկամուտների ավելացմանը՝ միաժամանակ նպաստելով կոոպերատիվի կայունությանը: Ես, որպես կոոպերատիվի վարչության անդամ, խրախուսում եմ մեր կոոպերատիվի անդամների մասնակցությունը վարչության նիստերին, որպեսզի ներկա լինեն և մեզ հետ միասեն հաշվարկեն կոոպերատիվի ծառայությունների ինքնարժեքը, մասնակցեն աշխատանքների պլանավորմանը: Փորձում ենք առավելագույնս թափանցիկ աշխատել, որպեսզի մեր անդամները վստահեն մեզ»:



Կոոպերատիվի ձավարահացը



Յուղի արտադրամասը

IFAD ծրագրի 4,850,000 դրամ դրամաշնորհով համաֆինանսավորվեց հանարի ձավարաղացի և կտավատի ձեթի արտադրամասերի հիմնումը: Սա լուրջ խթան է հանարի և կտավատի արտադրության ծավալների մեծացման, արժեշրթաներում կոոպերատիվի անդամների ներգրավման առումով:

Կոոպերատիվի անդամները, ամբողջ համայնքը, հարակից համայնքները, որոնք հանար և կտավատ են մշակում, օգտվելու են արտադրամասերից: Կոոպերատիվը կարող է վերամշակել տարեկան մինչև 300 տոննա հանար և 25 տոննա կտավատ:

Կոոպերատիվը հեռահար պլաններ ունի վաճառքի շուկաներ մուտք գործելու առումով. նախատեսում է բրենդավորել իր արտադրանքը և շուկա մտնել նոր ապրանքանիշերով: Կոոպերատիվի միջոցով շուկայում որոշակի տեղ զբաղեցնելը կնպաստի հավելյալ արժեքի ստեղծմանը, իսկ դա լուրջ խթան է անդամների և առհասարակ համայնքի զարգացման համար: